

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
কারিগরি ও মাদ্রাসা শিক্ষা বিভাগ
আইন শাখা-১
পরিবহণ পুল ভবন (কক্ষ নং-৯১২)
সচিবালয় লিংক রোড, ঢাকা।

পত্র সংখ্যা-৫৭.০০.০০০০.০৪৬.০০৪.০২৯.১৮-৪৪৬

তারিখঃ ১৮ ভাদ্র ১৪২৬
০২ সেপ্টেম্বর ২০১৯

বিষয়ঃ রিট পিটিশন নং-২৭৮৫/২০১৯ মামলার আদেশ মোতাবেক কুষ্টিয়া জেলার দৌলতপুর উপজেলাধীন পিপুলবাড়িয়া আহসানিয়া মাদ্রাসায় কর্মরত সুপার এবং সহঃ সুপার এর সেপ্টেম্বর/১৬ হতে আগস্ট/১৮ পর্যন্ত ঈদ বোনাসসহ বেতন ভাতা (এমপিও) প্রদানের আবেদন।

সূত্র: (১) পিপুলবাড়িয়া আহসানিয়া দাখিল মাদ্রাসার সুপার ও সহঃ সুপার কর্তৃক ১৩.১১.১৭ খ্রি. তারিখে যৌথ স্বাক্ষরিত আবেদন।
(২) পিপুলবাড়িয়া আহসানিয়া দাখিল মাদ্রাসার সুপার ও সহঃ সুপার কর্তৃক ২৮.১১.১৭ খ্রি. তারিখে যৌথ স্বাক্ষরিত আবেদন।
(৩) পিপুলবাড়িয়া আহসানিয়া দাখিল মাদ্রাসার সুপার ও সহঃ সুপার কর্তৃক ২৮.০৪.১৯ খ্রি. তারিখে যৌথ স্বাক্ষরিত আবেদন।

উপর্যুক্ত বিষয়ের পরিপ্রেক্ষিতে জানানো যাচ্ছে যে, কুষ্টিয়া জেলার দৌলতপুর উপজেলাধীন পিপুলবাড়িয়া আহসানিয়া দাখিল মাদ্রাসাটি গত ০৬.০৫.১০ তারিখে অবিভক্ত শিক্ষা মন্ত্রণালয় কর্তৃক এমপিও তালিকায় নির্বাচিত হওয়ার পর কোন কারণ দর্শানো ব্যতীত ৩১.০৫.১০ তারিখে এমপিও তালিকা হতে প্রতিষ্ঠানটির নাম বাতিল করা হয়।

০২। এর ফলে উক্ত প্রতিষ্ঠান কর্তৃক মহামান্য হাইকোর্ট বিভাগে রিট পিটিশন নং-৯৩১৪/২০১৪ দায়ের করা হয়। উক্ত মামলার রায় অনুযায়ী অবিভক্ত শিক্ষা মন্ত্রণালয় কর্তৃক গত ০৭.০১.১৬ খ্রি. তারিখের ১৬ সংখ্যক পত্রমূলে বর্ণিত প্রতিষ্ঠানটি এমপিওভুক্ত করা হয়।

০৩। পরবর্তীতে মাউশি অধিদপ্তর কর্তৃক সুপার এবং সহ-সুপার (আবেদনকারীদ্বয়) এর নিয়োগকালীন কাম্য অভিজ্ঞতা না থাকায় তাঁরা ব্যতীত উক্ত প্রতিষ্ঠানের শিক্ষক-কর্মচারীগণকে সেপ্টেম্বর/১৬ মাসে এমপিওভুক্ত করা হয়। অতঃপর আবেদনকারীদ্বয় কর্তৃক গত ১৩.১১.১৭ তারিখে সূত্র (১) মূলে এমপিওভুক্তির জন্য সচিব, TMED বরাবর আবেদন করা হয়। উক্ত আবেদনের প্রেক্ষিতে পিটিশনারদ্বয়কে (সুপার ও সহঃ সুপার) সেপ্টেম্বর/১৮ মাস হতে নিম্নকোডে এমপিও চালু করা হয়।

০৪। পরবর্তীতে পিটিশনারদ্বয় (সুপার ও সহঃসুপার) সেপ্টেম্বর/১৬ হতে আগস্ট/১৮ মাস পর্যন্ত বকেয়া বেতন ভাতার সরকারি অংশ (এমপিও) পরিশোধের প্রয়োজনীয় ব্যবস্থা গ্রহণের জন্য সূত্র (২) মূলে সচিব, TMED বরাবর আবেদন করা হয়। যা TMED কর্তৃক গত ২৯.১১.১৮ খ্রি. তারিখে গৃহীত হয়।

০৫। TMED বরাবর দাখিলকৃত ২৮.১১.১৮ খ্রি. তারিখের আবেদনটি (যা ২৯.১১.১৮ খ্রি. তারিখে গৃহীত) নিষ্পত্তি না হওয়ায় আবেদনকারীদ্বয় (সুপার ও সহঃসুপার) কর্তৃক পুনরায় রিট পিটিশন নং-২৭৮৫/২০১৯ মামলা দায়ের করা হয়। বর্ণিত মামলায় সচিব, টিএমইডি, ডিজি, ডিএমই ও আরো অন্যান্যসহ মোট ০৭ (সাত) জনকে রেসপনডেন্ট করা হয়।

০৬। উক্ত রিট মামলায় মহামান্য হাইকোর্ট বিভাগ কর্তৃক গত ০৮.০৪.১৯ খ্রি. তারিখে নিম্নরূপ আদেশ প্রদান করা হয়:
In the meantime, the Respondent No. 1 the Secretary, Technical and Madrasha Education Division, Ministry of Education, Dhaka is directed to dispose of the application filed by the petitioners on 29.11.18 (Annexure-L) within one month from the date of receipt of this order.

০৭। উক্ত রিট মামলার আদেশের আলোকে প্রতিকার তথা সেপ্টেম্বর/২০১৬ হতে আগস্ট/২০১৮ পর্যন্ত সময়ের উৎসব ভাতা ও অন্যান্য আর্থিক সুবিধাদিসহ বকেয়া বেতন-ভাতার সরকারি অংশ (এমপিও) পাওয়ার জন্য পিটিশনারদ্বয় কর্তৃক রিট মামলার আদেশের সার্টিফাইড কপি সহ সূত্র (৩) মূলে আবেদন করা হয়।

০৮। রিট মামলার আদেশে পিটিশনার কর্তৃক দাখিলকৃত ২৯.১১.১৮ খ্রি. তারিখের আবেদনটি (Annexure-L) বিধিগতভাবে নিষ্পত্তি (disposed of) করার জন্য ১ নং রেসপনডেন্ট এর প্রতি নির্দেশনা দেয়া হয়। তবে বিষয়টি নিষ্পত্তির নিমিত্ত নিম্নবর্ণিত বিষয়গুলোও বিবেচনায় নিয়ে রিট মামলায় (রিট পিটিশন নং-২৭৮৫/২০১৯) মহামান্য আদালতের (গত ০৮.০৪.১৯ তারিখের) নির্দেশনা মতে পিটিশনার এর ২৯.১১.১৮ তারিখের আবেদন (আর্জির Annexure-L)টি নিষ্পত্তি করা যেতে পারে-

ক. আবেদনকারীর আবেদন হতেই এটা স্পষ্ট যে, কুষ্টিয়া জেলার দৌলতপুর উপজেলাধীন পিপুলবাড়িয়া আহসানিয়া দাখিল মাদ্রাসাটির (সুপার এবং সহ সুপার ব্যতীত) শিক্ষক কর্মচারী সেপ্টেম্বর/১৬ হতে এমপিওভুক্ত হন। তবে কাম্য যোগ্যতা না থাকায় সুপার এবং সহ সুপার সেপ্টেম্বর/১৬ হতে এমপিওভুক্ত হতে পারেননি।

খ. সেপ্টেম্বর/১৬ হতে এমপিওভুক্ত হতে না পারায় গত ১৩.১১.১৭ খ্রি: তারিখে সুপার এবং সহ সুপার কর্তৃক সচিব টিএমইডি এর বরাবর এক আবেদন দাখিল করা হয় (আর্জির Annexure-H) উক্ত আবেদনের বিষয় শিরোনামে এবং আবেদনের শেষ প্যারাতে উল্লেখ আছে,

(I) “কুষ্টিয়া জেলার দৌলতপুর উপজেলাধীন পিপুলবাড়িয়া আহসানিয়া দাখিল মাদ্রাসা (নতুন এমপিওভুক্ত) এর নিয়োগকৃত সুপার এবং সহ-সুপার এর নাম এমপিওভুক্তিকরণ এর বিষয়ে মতামত প্রদানসহ নির্দেশনা প্রদান প্রসঙ্গে।”

(II) “অতএব মহোদয়ের নিকট আকুল আবেদন এই যে, উপরোক্ত বিষয়টি সদয় বিবেচনা করে কুষ্টিয়া জেলার দৌলতপুর উপজেলাধীন “পিপুলবাড়িয়া আহসানিয়া দাখিল মাদ্রাসা (নতুন এমপিওভুক্ত)” এর নিয়োগকৃত সুপার এবং সহ-সুপার এর নাম এমপিওভুক্তিকরণ এর বিষয়ে মতামত প্রদানসহ নির্দেশনা প্রদানের প্রয়োজনীয় ব্যবস্থা গ্রহণ করলে আপনার নিকট চির কৃতজ্ঞ থাকিব।”

গ. এমপিওভুক্তির জন্য গত ১৩.১১.১৭ খ্রি: তারিখে সুপার এবং সহ সুপার কর্তৃক সচিব টিএমইডি এর বরাবর দাখিলকৃত আবেদনে শুধুমাত্র এমপিওভুক্তির জন্য অনুরোধ জানানো হয়েছে, কবে থেকে এমপিওভুক্ত করতে হবে এ বিষয়ে কোন বক্তব্য উক্ত আবেদনে উল্লেখ নেই। উক্ত আবেদনের প্রতিকারের বিষয়বস্তু ছিল এমপিওভুক্তিকরণ তবে তা কবে থেকে কার্যকর হতে হবে এটা আবেদনকারীদ্বয় কর্তৃক আবেদনের কোথাও উল্লেখ করা হয়নি, ফলে এমপিওভুক্তিকরণ (কবে থেকে হতে হবে তা নির্দিষ্টকরণ ব্যতীত) ব্যতীত আবেদনকারীদ্বয়ের উক্ত আবেদনে অন্যকোন প্রতিকার দাবী করা হয়নি।

২

ঘ. ট্রেজারি রুলস এর আওতায় প্রণীত সাবসিডিয়ারি রুলস 61(a) তে উল্লেখ রয়েছে,

No claim against the government not preferred within six months of its becoming due can be paid without investigation.

ঙ. সাবসিডিয়ারি রুলস 61(a) এর নোট-২ তে উল্লেখ রয়েছে, Scholarship and Grant in aid bills become due on the last day of the month in which earned. এখানে উল্লেখ্য যে, এমপিও হলো Grant in aid, কোন বেতন নয়।

০৯. যেহেতু আবেদনকারীগণ কর্তৃক গত ১৩.১১.১৭ খ্রি: তারিখে (সুপার এবং সহ সুপার কর্তৃক) সচিব টিএমইডি এর বরাবর দাখিলকৃত আবেদনে শুধুমাত্র এমপিওভুক্তির জন্য অনুরোধ জানানো হয়েছে, কবে থেকে এমপিওভুক্ত করতে হবে এ বিষয়ে কোন বক্তব্য উক্ত আবেদনে উল্লেখ নেই। অধিকতর উক্ত আবেদনে প্রতিকারের বিষয় ছিল এমপিওভুক্তিকরণ (তবে তা কবে থেকে কার্যকর হতে হবে এটা আবেদনকারীদ্বয় কর্তৃক আবেদনের কোথাও উল্লেখ করা হয়নি) এবং উক্ত আবেদন মতে গত সেপ্টেম্বর/১৮ হতে আবেদনকারীদ্বয়কে প্রয়োজনীয় যোগ্যতা না থাকা সত্ত্বেও এমপিও তালিকাভুক্ত করা হয়েছে এবং তা চলমান আছে সেসাথে যেহেতু গত ১৩.১১.১৭ খ্রি: তারিখের আবেদনে সেপ্টেম্বর/১৬ হতে এমপিওভুক্তির জন্য কোন দাবীই করেননি সেহেতু এমপিওভুক্তির আবেদন মঞ্জুর হওয়ায় এবং তা চলমান থাকায় আবেদনকারীগণ বকেয়া পাওয়ার জন্য আইনগত অধিকারী নন।

১০. যেহেতু আবেদনকারীগণ কর্তৃক গত ১৩.১১.১৭ খ্রি: তারিখে (সুপার এবং সহ সুপার কর্তৃক) সচিব টিএমইডি এর বরাবর দাখিলকৃত আবেদনে শুধুমাত্র এমপিওভুক্তির জন্য অনুরোধ জানানো হয়েছে এবং উক্ত আবেদনের তারিখের পূর্বের তারিখ হতে এমপিওভুক্তির বিষয়ে কোন বক্তব্য উক্ত আবেদনে উল্লেখ নেই সেহেতু আবেদনকারীদ্বয়ের নাম সেপ্টেম্বর/১৮ হতে এমপিওভুক্তি (বকেয়া ব্যতীত) সংক্রান্ত আদেশ সঠিক এবং তা আবেদনকারীদ্বয়ের সম্মতির (আবেদনের বর্ণনা মর্মমতে) ভিত্তিতে হয়েছে মর্মে স্পষ্ট হয় এবং এমপিওভুক্তির পর বকেয়ার জন্য আবেদন সাক্ষ্য আইন ১৮৭২ এর ১১৫ ধারার মর্ম মতে Estoppel এর আওতাভুক্ত মর্মে প্রতীয়মান হয়।

১১. যেহেতু আবেদনকারীগণ কর্তৃক গত ১৩.১১.১৭ খ্রি: তারিখে (সুপার এবং সহ সুপার কর্তৃক) সচিব টিএমইডি এর বরাবর দাখিলকৃত আবেদনে শুধুমাত্র এমপিওভুক্তির জন্য অনুরোধ জানানো হয়েছে এবং উক্ত আবেদনের তারিখের পূর্বের তারিখ হতে এমপিওভুক্তির বিষয়ে কোন বক্তব্য উক্ত আবেদনে উল্লেখ নেই সেহেতু আবেদনকারীদ্বয়ের বকেয়া (সেপ্টেম্বর/১৬ হতে আগস্ট/১৮ পর্যন্ত) এমপিও প্রাপ্তি সংক্রান্ত আবেদন যথা সময়ে (প্রাপ্য হওয়ার ৬ মাসের মধ্যে) দাখিল না হওয়ায় ট্রেজারি রুলস এর আওতায় প্রণীত সাবসিডিয়ারি রুল ৬১ এর বিধান অনুযায়ী বিবেচনাযোগ্য নয় মর্মে প্রতীয়মান হয়।

১২. এক্ষণে নিম্নরূপ ব্যবস্থা নেয়া যেতে পারে-

ক. যেহেতু গত ১৩.১১.১৭ খ্রি: তারিখের আবেদনে সেপ্টেম্বর/১৬ হতে এমপিওভুক্তির জন্য কোন দাবীই করেননি সেহেতু এমপিওভুক্তির আবেদন মঞ্জুর হওয়ায় এবং তা চলমান থাকায় আবেদনকারীগণ বকেয়া পাওয়ার জন্য আইনগত অধিকারী নন তা আবেদনকারীগণকে জানিয়ে আবেদনটি নিষ্পত্তি করা;

খ. যেহেতু আবেদনকারীগণ কর্তৃক গত ১৩.১১.১৭ খ্রি: তারিখে (সুপার এবং সহ সুপার কর্তৃক) সচিব টিএমইডি এর বরাবর দাখিলকৃত আবেদনে শুধুমাত্র এমপিওভুক্তির জন্য অনুরোধ জানানো হয়েছে এবং উক্ত আবেদনের তারিখের পূর্বের তারিখ হতে এমপিও ভুক্তির বিষয়ে কোন বক্তব্য উক্ত আবেদনে উল্লেখ নেই সেহেতু আবেদনকারীদ্বয়ের নাম সেপ্টেম্বর/১৮ হতে এমপিওভুক্তি (বকেয়া ব্যতীত) সংক্রান্ত আদেশ সঠিক এবং তা আবেদনকারীদ্বয়ের সম্মতির (আবেদনের বর্ণনা মর্মমতে) ভিত্তিতে হয়েছে মর্মে স্পষ্ট হয় এবং এমপিওভুক্তির পর বকেয়ার জন্য আবেদন সাক্ষ্য আইন ১৮৭২ এর ১১৫ ধারার মর্ম মতে Estoppel এর আওতাভুক্ত মর্মে আবেদনকারীগণকে জানিয়ে আবেদনটি নিষ্পত্তি করা;

গ. যেহেতু আবেদনকারীগণ কর্তৃক গত ১৩.১১.১৭ খ্রি: তারিখে (সুপার এবং সহ সুপার কর্তৃক) সচিব টিএমইডি এর বরাবর দাখিলকৃত আবেদনে শুধুমাত্র এমপিওভুক্তির জন্য অনুরোধ জানানো হয়েছে এবং উক্ত আবেদনের তারিখের পূর্বের তারিখ হতে এমপিওভুক্তির বিষয়ে কোন বক্তব্য উক্ত আবেদনে উল্লেখ নেই সেহেতু আবেদনকারীদ্বয়ের বকেয়া (সেপ্টেম্বর/১৬ হতে আগস্ট/১৮ পর্যন্ত) এমপিও প্রাপ্তি সংক্রান্ত আবেদন যথা সময়ে (প্রাপ্য হওয়ার ৬ মাসের মধ্যে) দাখিল না হওয়ায় ট্রেজারি রুলস এর আওতায় প্রণীত সাবসিডিয়ারি রুল ৬১ এর বিধান অনুযায়ী বিবেচনাযোগ্য নয় মর্মে জানিয়ে আবেদনটি নিষ্পত্তি করা;

০৫। এমতাবস্থায়, উপরিউক্ত মতে ব্যবস্থা গ্রহণপূর্বক নিষ্পত্তির বিষয়টি মহামান্য আদালতকে অবহিতক্রমে আগামি ১৬.০৯.১৯ খ্রি: এর মধ্যে টিএমইডিকে অবহিতির জন্য নির্দেশক্রমে মহোদয়কে বিনীত অনুরোধ করা হলো।

(মো: আ: খালেক মিঞা)

সিনিয়র সহকারী সচিব (আইন)

ফোন: ৪১০৫০১৫৭

মহাপরিচালক,

মাদ্রাসা শিক্ষা অধিদপ্তর, রেডক্রিসেন্ট বোরাক টাওয়ার,

লেভেল-৩, ৩৭/৩/এ, ইস্কাটন গার্ডেন রোড, রমনা, ঢাকা।

অনুলিপি সদয় জ্ঞাতার্থে/কার্যার্থে:

- ১। সচিব মহোদয়ের একান্ত সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা (সচিব মহোদয়ের সদয় অবগতির জন্য)
- ২। সিস্টেম এনালিস্ট, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা (এ আদেশটি ওয়েব-সাইটে প্রকাশের জন্য অনুরোধ করা হলো)।
- ৩। অতিরিক্ত সচিব (মাদ্রাসা) মহোদয়ের ব্যক্তিগত কর্মকর্তা, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
- ৪। অতিরিক্ত সচিব/যুগ্মসচিব (অডিট ও আইন) মহোদয়ের ব্যক্তিগত কর্মকর্তা, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়,
- ৫। জনাব মো: বদরুদ্দৌজা, সুপার, পিপুলবাড়িয়া আহসানিয়া দাখিল মাদ্রাসা, উপজেলা-দৌলতপুর, জেলা-কুষ্টিয়া।
- ৬। অফিস কপি/মাস্টার কপি।